

Powšitkowne WOZJEWJENJA

njedźelu, 20. oktobra 2019

Přiležnosć k swjatej spowědži w Róžeńce

| | |
|---|---|
| sobotu, 26. oktobra 17.00 – 18.00 hodź. | farar M. Anders, farar dr. D. Dzikiewicz, farar T. Dawidowski; kapłan dr. J. Buliš |
| póndźelu, 28. oktobra 17.00 – 18.00 hodź. | farar M. Anders, farar G. Wornar, farar dr. D. Dzikiewicz, farar J. Magiera |
| wutoru, 29. oktobra 18.30 – 19.30 hodź. | farar M. Anders, farar dr. D. Dzikiewicz, farar dr. M. Kleiner, farar dr. S. Foelz |

Eksercicije za Serbow – „Što nas wozboža?“

Za serbske eksercicije wot pjatka, 8. nowembra, wječora hač do njedźele, 10. nowembra, měli so pak w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10, pak w Chrósćicach na farje, telefonowe čisło (03 57 96) 80 40 22, přizjewić. Hesło dnjow rěka „Što nas wozboža?“.

Přednošk wo židowskich wašnjach

Farar dr. Michael Kleiner, specialist na polu Stareho zakonja, přednošuje póndźelu, 21. oktobra, w 19.30 hodź. w Smochčanskim Domje biskopa Bena wo židowskich nabožnych wašnjach a naložkach. K tomu přeprašuje džěło kruh „Zetkanje ze židowstwom“. Poprawny nošer židowskeje wěry su swójby. Na zakładze naložkow a domjaceje liturgije zwoprawdza so pola nich žiwa wěra.

Spominanje na prelata Štranca w Lipsku

Towarstwo Cyrila a Metoda z.t. přeprašuje wšitkich, so na wopominanju před 150 lěta w Žuricach rodzeneho prelata Jakuba Štranca póndźelu, 28. oktobra, w Lipsku wobdźělić. W 15.30 hodź. zahaji so wone při jeho rowje na kěrchowje w Lipsku Connewitzu, Meusdorfska 80. W 16.15 hodź. přizamknje so nyšpor z kapłanom Florianom Mrózom w kapalce Chorownje swjateje Hilžbjety na Biedermannowej 84 w samsnym měšćanskim džělu, wo kotrejež twar bě so prelat Štranc bjez podpěry biskopstwa postarał. Po krótkim přednošku wo jeho wobšěrnym skutkowanju w Lipsku porěči jednaćel chorownje hrabja Albrecht Adelman, něhdyši jednaćel Kamjenskeje chorownje.

Dalekublanje rěčnikow nabožneho słowa

Na Chrósćanskej farje přewjedze so sobotu, 9. nowembra, wot 9 do 12 hodź. dalekublanje za wšěch, kotřiž nabožne słowo k dnjej w Serbskim rozhłosu rěča. Wone wobshahuje rěčne zwučowanja z logopedowku, zwučowanja z mikrofonom kaž tež džěło z tekstami, při čimž póndže wo spisanje, jadriwosć, žórła a dalše.

Seminar wo złu w bibliji

Smochčanski Dom biskopa Bena přepróšuje na seminar pod heslom „Biblija a ... zło“. Tón wotměje so wot pjatka do njedźele, 8 do 10. nowembra. Hłownje póndže pod nawodom referenta Ansgara Hoffmanna wo to, što so w Swjatym pismje wo djabole, Luciferu a satanje pisa a zwotkel Boži přećiwnicy pochadžeja. Předznajomosće njejsu trěbne. Zajimcy měli so hač do póndźele, 28. oktobra, pak pod telefonowym čisłom (03 59 35) 2 23 17 abo na mailowu adresu referent@benno-haus.de přizjewić.

„Serbski rekwiem“ w Ketlicach

Za předstajenje „Serbskeho rekwiema“ Korle Awgusta Kocora njedźelu, 10. nowembra, w 16 hodź. w Ketlicach móža sej zajimcy hižo zastupne lisćiki kupić. Tute předawaja na tamnišej kaž tež na Lubijskej ewangelskej farje, w Lubijskej měšćanskej informaciji a w tamnišim wobchodže Keßner. Korla Awgust Kocor (1922–1904) je w Ketlicach jako wučer a organist skutkował a tam tež zemřel.

Mandželski seminar

Přizjewjenja za přihot na sakrament mandželstwa wot pjatka do soboty, 29. nowembra do 30. nowembra, přijimuju so pisomnje hač do srjedy, 6. nowembra, w Dekanatnym dušepastyrstwje we Worklecach. Formularj k tomu su w cyrkwjach wupožžene.

Dalši serbski žarowanski kruh

Žarowanskaj přewodźerjej Regina Krawcowa ze Smječkec a Tomaš Pěčka ze Ser-njan poskićataj zhromadnje z dr. Ludmilu Lajderowej z Drježdźan po loňšim zaběhu dalši serbski žarowanski kruh. Přenje zetkanje budže štwórtk, 7. nowembra, w 17.00 hodź. w Chróšćanskej putniskej hospodže. Dalše termíny su stajnje tři njedźele pozdžišo. Předwidžane je, zo so tutón kruh hač do spočatka apryla wosom króć zetka. Zajimcy měli so pod telefonowym čisłom (01 74) 7 01 94 87 přizjewić.

Biskopstwowy džěćacy chór swjeći róčnicu

Koncertaj składnostnje swojeho 20lětneho wobstaća da zhromadny džěćacy chór Drježdźansko-Mišnjanskeho a Zhorjelskeho biskopstwa pjatk, 25. oktobra, w 17 hodź w Choćebuskej propstowskej cyrkwi, Adolpha Kolpingowa 17, a sobotu, 26. oktobra, w 19.15 hodź. na žurli Lipšćanskeje propstowskeje wosady, Nonnenmühlgasse 2. W tutym chórze njeje w běhu dweju lětdžesatkow jenož tójšto serbskich džěći sobu spěwało, ale móhłrjec ze wšěch wosadow wobeju biskopstwow. Tuchwilu přisłuša jemu 80 młodych spěwarjow. Wšitcy něhdyši čłonojo su na přijěće hodžinu do sobotneho koncerta prošeni, na koncertaj pak wšitcy zajimcy.

Film „Das größte Geschenk“

W dokumentarnym filmje „Das größte Geschenk“ z lěta 2018 zaběra so španiski režiser Juan Manuel Cotelu z temu, kotraž wšitkich potrjechi – wodawanje. Maćerje, nanojo, wudowy, syroty, masowy mordar a jeći na jimace wašnje rozprawjeja, kak móžeš wodać. Režiser Cotelu zetka so z woporami kaž skućicelemi. Słuchaše na wobě stronje a smědžeše filmować, hdyž so wobě stronje zetkaštej a sej wujednawacu ruku podaštej. Film „Das größte Geschenk“ pokazaja na reformaciskim dnju štwórtk, 31. oktobra, w 17.30 hodź. w Drježdźanskim kulojtnym kinje Cineplex.